



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 58. Bellicus Neapolitani Regis apparatus adversus Gallos.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

conservaturum, ac in regiæ tutelæ pi-
gnus se, postquam Mediolanum transi-
set, ducentos Lancearios relicturum in
urbe Astensi Aurelianensis Ducis impe-
rio subjecta, eique occupato Neapolis
regno, Tarentinum Principatum cessu-
rum. Ludovicus vicissim pollicitus est,
se Carolo, priusquam cum exercitu suo
e Gallis moveret, ducenta aureorum
millia mutuo daturum, unice in stipendia
militum suorum expendenda, postquam
vero Mediolani Ducatum reliquisset, se
ejus copiis quingentos quoque junctu-
rum Lancearios, ejusdem Ludovici im-
pensis usque ad belli exitum alendos;
huic exercitui liberum se concessurum u-
bique transitum, ac fluviorum trajectio-
nem, ac denique ad Genuensium portus
pro Gallicæ classis securitate, totidem,
quot libuerit, naves advehere, Franco-
rum Regi integrum fore.

§. LVIII.

*Bellicus Neapolitani Regis apparatus
adversus Gallos.*

Ferdinandus, cujus capiti hæc procella
imminebat, totus in eo erat, ut re-
centem conscriberet militiam, munitiora
lustraret loca, eaque præsiidiis firmaret,
ac divisis undique copiis vias obsideret,
præcipue ut a cunctis, qui mutuas offe-
rebant,

Sæcul XV.
A.C. 1493

rebant, acciperet pecunias. Postea populi sui animos, eliminato omni metu firmare satagebat, ingentemque eis Gallicæ Nationis contemptum ingerebat, nec non consilii ab ea suscepti difficultatem exponens: Ergone, inquiebat Ferdinandus, Veneta & Florentina respublica, Ferrariæ Dux, atque summus Pontifex vel unquam concedent, ut admisso extero milite eorum ditiones deprædantium arbitrio expositæ premantur? nonne omnes isti Principes, cum de communi eorum causa agatur, ad propulsandam Francorum vim vires suas jungent, ac in perniciem Gallorum jurabunt? certe nunquam Veneti libertatis suæ tenacissimi Gallis ad illorum ditiones aditum indulgebunt, quinimo etsi forte illis, postquam eos diu tædiosa mora fatigarunt, tandem transitum concessuri essent, nihilominus tamen peregrini isti homines non nisi longi, ac molesti itineris laboribus fracti ægre ad Neapolitani regni limina penetrabunt, ubi postea excipientur a recenti exercitu, ac militibus bello exercitatissimis, qui eos nullo negotio oppriment, & quod amplius est, num forte Castellæ ac Arragoniæ Reges, quibus paret Sicilia, æquo animo tolerabunt, Franciæ imperio Neapolis regnum subjici, cum tamen merito pertimescere debeant, Gallos expugnata Neapoli pari
jurium

jurium obtentu ad Siciliam quoque vi-
 stricibus armis procururos.

Sæcul. XV.

A C. 1493.

§. LIX.

*Ferdinandus Gallorum apparatu
 territus*

Rex Neapolitanus, quamvis ingentem
 rerum, viriumque suarum fiduciam
 verbis jactitaret, re tamen ipsa imminen-
 tis periculi consideratio terrorem eidem
 incussit; accessit etiam memoria malo-
 rum, quibus eum, suumque Patrem An-
 degavensis ac Calabriensis Duces pene
 oppresserant, unde præsentire videbatur,
 quæ timenda forent, si ipse Galliarum
 Rex adversus eum agmen duceret. E-
 nimvero nec panicus erat Ferdinandi
 timor; qua ratione enim, cum jam olim
 a memoratis Principibus regno suo
 exutus esset, nunc audeat repellere im-
 petus juvenis cujusdam Regis, qui ipse
 fortissimo exercitui imperans hoc unum
 destinatum habet, ut ei coronam eripiat,
 quam sibi jure deberi contendit? Quo-
 demum auxilio fretus, Gallo resistat Fer-
 dinandus, qui Nobilium invidiam in se
 concitavit, & tyrannide populos suos a-
 deo oppressit, ut his nil magis sit in
 votis, quam ejus jugum excutere, cum
 interea is nullius Italiae Principis amni-
 tiam sibi polliceri potest, quos omnes la-
 cessivit,